

Visoki predstavnik Inzko i prvi zamjenik visokog predstavnika Berton sastali se sa generalnim sekretarom NATO-a Stoltenbergom



Visoki predstavnik Valentin Inzko i prvi zamjenik visokog predstavnika Bruce Berton sastali su se u Sarajevu sa generalnim sekretarom NATO-a Jensem Stoltenbergom za vrijeme njegove zvanične posjete Bosni i Hercegovini u četvrtak.

Visoki predstavnik je informirao generalnog sekretara NATO-a o trenutnoj političkoj situaciji u Bosni i Hercegovini iz perspektive njegovog mandata. Visoki predstavnik je istakao da "bez obzira na unutrašnje političke izazove sa kojima se BiH suočava, državni organi su uspjeli postići unutrašnji konsenzus o pitanjima kao što je pregled odbrane, koji je važan za evroatlantsku zajednicu. To je pozitivan signal i međunarodna zajednica ga treba na pravi način prepoznati, a BiH treba da nastavi sa iskazivanjem opredjeljenja za proces integracije."

Visoki predstavnik također je istakao da BiH treba mudro iskoristiti 2017., kao godinu u kojoj nema izbora, da postigne napredak na neophodnim reformama koje će zemlji i njenim građanima donijeti stabilnost i prosperitet.